



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՏԱՎՈՒՇԻ ՄԱՐԶՊԵՏ

Ո Ր Ո Շ ՈՒ Մ

19 փետրվարի 2014 թվականի N 23 -Ա

ՀՀ ՏԱՎՈՒՇԻ ՄԱՐԶՈՒՄ ՇՏԱԲԱՅԻՆ ՈՒՍՈՒՄՆԱՎԱՐԺՈՒԹՅԱՆ
ՆԱԽԱՊԱՏՐԱՍՏՄԱՆ ԵՎ ԱՆՑԿԱՑՄԱՆ ՄԱՍԻՆ

Համաձայն Հայաստանի Հանրապետության կառավարության 2003 թվականի հունվարի 30-ի «Արտակարգ իրավիճակների և քաղաքացիական պաշտպանության բնագավառներում Հայաստանի Հանրապետության պետական և տեղական ինքնակառավարման մարմինների ու կազմակերպությունների պատրաստման և բնակչության ուսուցման կարգը սահմանելու մասին» թիվ 134-Ն որոշման և «Հայաստանի Հանրապետության Տավուշի մարզի բնակչության պաշտպանության համակարգի նախապատրաստման 2014 թվականի հիմնական միջոցառումների պլան»-ի իմ ղեկավարությամբ Տավուշի մարզում 2014թ. ապրիլի 18-ին անցկացվելու է «Բնակչության պաշտպանության միջոցառումների իրականացումը ուժեղ երկրաշարժի դեպքում» թեմայով շտաբային ուսումնավարժություն (այսուհետ՝ ուսումնավարժություն):

Նշված ուսումնավարժությանը ժամանակին նախապատրաստվելու և արդյունավետ անցկացնելու նպատակով և ղեկավարվելով Հայաստանի Հանրապետության նախագահի 1997 թվականի մայիսի 6-ի թիվ ՆՀ-728 հրամանագրի 1.6-րդ կետով.

Ո Ր Ո Շ ՈՒ Մ ԵՄ՝

1. Նշանակել՝ ուսումնավարժության ղեկավարման շտաբի պետ՝ Հայաստանի Հանրապետության արտակարգ իրավիճակների նախարարության փրկարար ծառայության Տավուշի մարզային փրկարարական վարչության պետ, փրկարարական ծառայության փոխգնդապետ Վաղինակ Հովսեփյանին,
2. Ուսումնավարժությանը ընդգրկել՝
 - 1) ՀՀ Տավուշի մարզպետարանը,
 - 2) ՀՀ Տավուշի մարզի ԱԻ և տարահանման հանձնաժողովները,
 - 3) Նոյեմբերյան, Կողբ, Զուլքան համայնքների ղեկավարներին:
3. Ուսումնավարժության ղեկավարման շտաբի պետ, փրկարարական ծառայության փոխգնդապետ Վ. Հովսեփյանին՝
 - 1) կազմակերպել ուսումնավարժության պլանավորող փաստաթղթերի ժամանակին մշակումը և հաստատումը համաձայն ուսումնավարժության նախապատրաստման օրացույցային պլանի,

- 2) կազմակերպել ուսումնավարժության մասնակիցների նախապատրաստումը համաձայն ուսումնավարժության նախապատրաստման օրացույցային պլանի,
- 3) ուսումնավարժության անցկացմանը պատրաստ լինելու մասին զեկուցել ապրիլի 14-ին:
4. Հայաստանի Հանրապետության Տավուշի մարզի տարահանման հանձնաժողովի նախագահ Լ. Սարգսյանին՝
 - 1) ստուգել տարահանման հանձնաժողովի ընդունման և տեղաբախշման կետերի պատրաստությունը: Ճշտել տարահանման և տեղաբախշման համար օգտագործվող տրանսպորտի քանակը, տարահանվող բնակչության հաշվարկը ըստ բնակավայրի տեղաբախշման,
 - 2) ճշգրտել << ՀՀ Տավուշի մարզի տարահանման պլան >>-ը,
 - 3) ճշգրտել << Ուժեղ երկրաշարժի դեպքում ՀՀ Տավուշի մարզի գործողությունների պլան >>-ը:
5. Ուսումնավարժության մասնակիցներին՝
 - 1) ճշգրտել առնչվող պլաններն ու փաստաթղթերը,
 - 2) պատրաստ լինել զեկուցելու ուսումնավարժության ընթացքում կատարած միջոցառումների մասին,
6. Սույն որոշումը տրամադրել ուսումնավարժության մասնակիցներին:
7. Սույն որոշման կատարման հսկողությունը վերապահում եմ ինձ:

ՄԱՐԶՊԵՏ



Ա. ՂՈՒԼԱՐՅԱՆ

2014թ. փետրվարի 19
ք. Իջևան